



Կոտայքի մարզային մշակութային միջոցառումների տարեկան ծրագրի շրջանակներում մեկնարկեց Կոտայքի մարզի երաժշտական, արվեստի և գեղարվեստի դպրոցների 2017 թվականի մարզային մրցույթ-փառատոնը: Ծրագրի նպատակն է՝ աջակցել մատաղ սերնդի գեղագիտական դաստիարակությանը, բացահայտել շնորհալի պատանի երաժիշտներին, նկարիչներին և արվեստի այլ ճյուղերի ներկայացուցիչներին, օժանդակել առավել շնորհալի պատանիների մասնակցությանը հանրապետական և միջազգային մրցույթ-փառատոններին: Մրցույթի տարածաշրջանային ընտրական փուլը՝ ժողովրդական նվագարաններ անվանակարգում, տեղի ունեցավ այսօր՝ մայիսի 18-ին, Չարենցավան քաղաքի երաժշտական դպրոցում: Բյուրեղավանի արվեստի դպրոցը ներկայացրեցին Ռոբերտ Խաչատրյանը, Տիգրան Նիգոյանը, Աբել Իսրայելյանը, Սարգիս Ասրյանը, Աշոտ Զումանյանը, Մանե Ստեփանյանը և Սեդա Հարությունյանը: Մայիսի 20-ին Եղվարդի արվեստի դպրոցում կկայանա մրցույթ՝ նվագախմբեր և անսամբլներ անվանակարգերում: Մայիսի 23-ին՝ Աբովյանի երաժշտական դպրոցում՝ դաշնամուր, լարային նվագարաններ և վոկալ անվանակարգերում: Մայիսի 27-ին անց է կացվելու կերպարվեստի բաժնի սաների նկարչական բացօթյա էտյուդ, ցուցահանդեսը: Մրցույթը կեզրափակվի գալա-համերգ մրցանակաբաշխությամբ՝ հունիսի 2-ին: Հաջողություններ մաղթենք մեր բոլոր մասնակիցներին:

18.05.17